

閩臺族譜彙刊

◎ 陳支平 主編

19

GUANGXI NORMAL UNIVERSITY PRESS
广西师范大学出版社



閩臺族譜彙刊

陳支平 主編

19

GUANGXI NORMAL UNIVERSITY PRESS
广西师范大学出版社
· 桂林 ·



目 録

泉南卿田尤氏族譜(舊首本)	1
泉南卿田尤氏族譜(首本)	203

福建 泉南 卿田

尤氏族譜

(舊首本)

尤春會等 編纂

民國四年(一九一五) 稿本

《泉南卿田尤氏族譜》（舊首本），福建泉州晉
江尤氏家族尤春會等於民國四年（一九一五）編
纂，不分卷。

尤氏族譜序

古人有云族小則削族大則分故葛藟一本而蕃榮蔓英一源而徒駭簡潔勢也亦理也要以緣柯逮幹溯流尋源血脉既氣味乃肖則烏容以不紀也余讀尤氏家乘知其初沈姓繼之審知公所變也其說似不可據考之尤溪縣誌稱道果不相錯尤之先世光州固始人入閩之始即駙馬都尉公厥後幾傳莫曉其詳皆由譜牒殘缺故雖族繁代更多仍其轍余祖亦光州固始人來祖於閩者我宋司空公也凡遞習譜牒斷續錯落者不可問余之以宋司空公為開荒亦猶君族之以唐都尉公為鼻祖矣夫譜牒之闕豈僅錄後人名字齒重望族已耶實備先人生卒謚諱以起其水木本源之思或散處州郡或僻居山海庶知為某氏之子某氏之孫諱歲時伏臘惕風雨悲霜露入廟而思掃墓而慨昭

穆列吉凶榮往然後不至有途人之見胡越之愁譜之於家豈細
故哉蓋譜之存與葺悉我輩事也苟非因譜而存原譜而葺則與
斷簡遺編同致慨於無徵耳我輩未仕而學則不及葺既仕而政
則不暇葺不幾類於霜體塗足之夫無益於前後哉余官轍奔馳
弗獲供俎豆第有宗譜一冊以隨故得按舊譜而葺之令君丁太
安人艱遂於苦茨之末力葺家譜告竣請序於余余何能序人之
譜耶然而錫類之倫咸能詳人祖宗事余亦不敢深為諉也余亦
以譜余族之意而序尤氏之譜耳况爾言應魯公字與余又有一日之
知安得不為之序以誌不朽云

萬曆十三年歲次乙酉

紫蹊氏蘇濬君禹拜序

尤氏之先沈子之後

據西堂譜序稱唐季之後食采于沈

更歷二千餘載譜誌永脩

世次固已不詳吾宋門人亦已多落莫矣世傳唐之季世光州人王審知撫泉閩而有之中原士大夫多往依焉尤氏祖有諱思禮者尚王郡主為駙馬都尉沈之去水為尤謂避審知諱而然據其地誌尤溪所由名縣果有是說及閱世族譜書與世系諸表亦稱沈之去水為尤不仍之避審知去水歲久姑置勿論已五世玄孫宗興述吾宗始祖公諱思禮姓沈氏其先光州固始人也因唐僖宗光啟二年同光州德勝將軍王審知公入閩託始之基自此始也審知公兄弟三人以兵克閩分鎮三州長鎮漳次審知公鎮泉三鎮福也其後審知公統五州以其女配吾祖思禮公為駙馬都尉至唐季世公以沈與審同音因避諱去水為尤而尤之姓所自來也公築城南安縣廿五都駙嶺葛坑山嶺曰駙嶺因公葬墓而

譜序

得名也自此以下年代湮遠世系未詳其墓尚存子孫人辰繩繩散處州郡亦吾祖之積善餘慶垂裕後昆云

裔孫明敬述

民國乙卯之春

三十三世裔孫奕華景山敬錄

纂述族譜序

蓋聞人之有祖如木之有根如水之有源根固則發榮源深則渚長祖積厚則流光愛良木者必護其根邈淵源者必窮其源思奕葉者必識其祖自經帶以來未有改也惟我祖始自後梁太祖皇帝承李唐開國以來而宗支之傳綿綿流衍迄於今數百禩其間與國相終始者代更數姓王易數家自此以上其著代不知凡幾矣歷世久遠譜失其舊但故老傳聞猶詳其巔末故仰祖宗功德竊有志共成而苦其未逮窺豹一斑大鼎寸鑿亦何裨乎然為祖

考在茲敢愛其醜就使貽譏效顰何妨於作哉余熟思數次而誌始決焉

唐季世吾祖駙馬公入閩託始開基自是而下譜未興脩不知幾傳世遠年湮姑闕以俟南宋紹興間尚書袁公暨四子賢公同立家法條例纂集世譜代代相承傳至惠公妣李氏謚妙嚴善事舅姑以孝節見聞於朝旌表孝節尤母李氏之門譜授宗孫琮公公世居筍江時值兵火家乘殘缺及旌表匾俱焚幸而先兄見洲公發跡鄉閭謀先君應榕公重脩世譜時稿未就兄即仙去繼而彙所及絃室二君輩少登科第又以官事鞅掌始謀其事未幾又登仙矣不肖鰥家得遺稿數篇及聞諸故考傳記懼世愈久愈失其真於是纂述成章令後世毋忘所自恨老矣不能為兒孫倡始後之子孫有志於譜者而能因略以致其詳加慎以求其精庶昭穆

以序而派別支分得有所考不至無徵之嘆則余今日未必無小補云若夫大宗之全譜則尚有所待而非衡茅一時之所能及者是為序

崇禎十年丁丑孟春朔居士八十翁裔孫夢鰲敬誌

吾宗尚有一脈宗支住安平西門與蘇琰先生為鄰的係宗子宗孫世代久湮路遙吉凶之禮甚廢子孫知書者有吾宗氣味前有人來道欲相尋且約異姪到家相會家有祖譜牒後世子孫有志脩葺者可着意相尋錄合為一宗足見家世之盛也謹誌以待後之譜者

纂脩族譜序

戴東八十翁夢鰲再誌

夫論世於家者徵諸譜在晉宋時選舉之途簡尚門閥而譜始重

至唐貞觀中詔高士廉等賁天下譜牒參檢真偽為氏族誌即選
舉不問而譜又未嘗不重乃李盧諸族有薰心勢賄通譜偽宗為
一時嗤笑者而譜始輕要以敦本始教敦睦則譜又最重其誰能
輕視之也我尤氏世居泉城自勝國迄今詩書禮樂載德惟舊顧
宗祊中微家乘荒闕子孫幾不識其先如舊籍談族戴東公諱夢
鰲壽八十餘能言先世事手輯宗支世系授先府君府君以授不
肖祥章曰此小子事也時方為諸生輒翼翼心識之比叱第謁告
歸按譜篇錄綴以論纂先府君稍加纂定奉而藏之篋中擬壽諸
梓有待也頃者揭而讀之則蟬蠹侵蝕幾銷僅存不覺撫然嘆曰
遭延之日久矣余生幾何能無負我先君德意爰再加訂正續所
未備事貴覈不貴飾詞貴簡不貴繁首世系次誌傳又次先塋又
次綸命終焉篇帙成付剞劂殺青以遍示諸子姓夫萬萬之刺識

者傷之蘇明允族譜引云親生於服服盡則親盡喜不慶憂不吊判若途人此語所以作也我尤姓之登於譜也閱世有自矣自我公而上傳而子若孫幾同於階野之楊氏今世而下不肖儼然為之長即云多服盡之親而坟塋瞻拜房役供事則歲時供之未至如途人之不相識竊祿以來愧不效江洲之會食始蘇之義田惟是吉凶慶弔煩憚心力諸以後急相抵者咸踴躍應焉而勵共勤戒惰佚又諄諄然附古直道諸子姓亦信而從之夫恩意稠密雖疎可親德義相先雖微必振是在勉之而已諸譜之所為重意在斯乎謹書此以勗後人

尤西堂譜記

尤氏之先周文王第十子聃季食采于沈為氏今汝寧地也唐末有遷泉州者避王審知公嫌名去水為尤五傳至宋天禧中始祖

贈侍制公諱叔保公避難入吳命長子贈少師公諱大成居無錫
白石里次子贈少保公諱大公居長洲西禡里長之後為文獻公
諱輝官觀文殿大學士兵部尚書少保贈少師錫之後為文簡公
諱袤官煥章閣侍制禮部尚書少師贈太師莊定公諱燿官端明
殿大學士禮部尚書封昆陵郡侯度宗嘗幸其第題柱間五世三
登宰輔奕朝累掌絲綸蓋實錄也自宋迄明簪纓不絕代有聞人
則同所著述祖詩言之詳矣莊定四傳教諭公諱坊少子諱臣復
遷於蘇轉徙斜塘以耕讀世其家迨我高祖處士近川公諱鼎曾
祖處士達夫公諱聰先祖清字公諱挺秀文學鄉飲賓給七品冠
帶考達公諱論因先祖既以宿學不遇稟其庭訓揣摩益工文藝
冠一時自督學以及郡縣有司歷試高等然四踏省門弗售援廩
例入太學再赴京兆卒報罷厥後曾遇

皇上二十年蕩平勅贈徵士郎諱有院檢討子七人 個庠生 价庠生 戊子拔貢生授永平推官戊午以博學鴻儒徵 御試特授翰林院檢討後陞侍講 仝庠生 俊庠生 何壬子科舉人點縣諭後陞神木知縣 倬廩生孫 自英太學生 珍壬戌進士翰林院庶吉士 瑞庠生 珂庠生 琦庠生 曾孫 世求庠生 元孫 秉元甲午科舉人 民國乙卯之春 三十四世裔孫春會春霖敬錄

尤氏始祖祠堂記

稽譜乘唐光啟間我始祖考駙馬都尉思禮公從閩王由河南光州回始入閩其先周昉季封於沈以國為氏至公避王諱去水為尤故尤氏系緣自公始肇居于泉州真留從刻分掌四門學殿後塋于武榮國公封域號其鄉曰卿田子孫有守是里者有入桃源者有仍隸溫陵者雖各蕃衍分支而實盤根一本歷世所

傳顯則文章博科第政事列旂常隱則孝友篤家庭仁讓乎閭里
亦云盛矣要皆 公之明德偉烈佑啟無窮者也夫物莫不有始
年始乎春日始乎旦人始乎祖 公為尤氏始宜為子子孫孫繼
序思不忘若不合族薦馨何以追尊親而聯敬愛觀囊馳驅仕路
中每念及此輒徬徨寤寐歲丙辰旋里與弟錫蘭議欲舉行乃夙
願未酬忽忽已過十載丙寅秋泉族兄廷琮君偕其伯子垂青以
是來請遂同志樂成第思拓寧宇以妥先靈因其基而脩之猶易
創其地而建之較難惟有孝思者不憚難而樂易則古人固有從
遷而卜吉允臧者何必尋舊址之茫茫耶廷琮兄得是意而命伯
子勞心鳩族延師擇地是冬獲吉於城東衮繡負清源拱紫帽軒
乎昂乎是山川清淑之氣獨鍾此衮衣繡裳地以畀我後人所是
饗是宜者舉族僉曰善越明年經營肯構棟宇鼎新堂列三龕中

奉始祖考妣及各房開基祖而以資費多克者配之左安有爵右
安有功一堂之上彬彬穆穆下則通庭兩匝為子孫瞻拜地後奉
地神旁居守者祭以冬至取反始之義享以備物示追遠之誠己
巳陽月十有九日晉主入祀祠堂自是告厥成君子曰是役也
上敬祖宗是用孝饗中萃本支得聯親睦下裕後昆使有繼承一
舉而三善備焉將千百世而永固矣若夫擴而克之光而大之則
尤望於後起之賢者是為記

乾隆十有四年己巳冬十月朔

裔孫 錫觀 頓首拜撰

募族人捐建大宗祠序

吾宗自始祖駙馬都尉公入閩瓜瓞之綿由唐迄今歷數十傳
矣其昭穆世系載譜牒者昭然可攷也然分派既遠聚處各方冠
婚喪葬歲時伏臘不相往來是子孫之血脉不通也縱有譜牒可